

## **Prilog ./3**

**Pravila za unutardnevnu raspodjelu  
prijenosnih kapaciteta  
na granici između zona trgovanja  
Nezavisnog operatora sistema u BiH (“NOSBiH”)  
i EMS-a AD Beograd (“EMS”)**

## SADRŽAJ

Odjeljak 1. Uvod.....	7
Član 1.1. Opće napomene .....	7
Član 1.2. Procedura dodjele prava na unutarnevni kapacitet.....	7
Član 1.3. Opći aspekti Pravila za unutarnevnu dodjelu kapaciteta.....	7
Odjeljak 2. Opće odredbe .....	8
Član 2.1. Unutarnevni ATC .....	8
Član 2.2. Objavljivanje relevantnih informacija na internet stranicama NOSBIH-a .....	8
Član 2.3. Specifikacija unutarnevnog ATC-a .....	8
Član 2.4. Garantovanje dodijeljenih unutarnevnih kapaciteta .....	8
Član 2.5. Sekundarno tržište .....	8
Član 2.6. Plaćanja .....	8
Odjeljak 3. Uslovi za učesće.....	9
Član 3.1. Uslovi za registraciju.....	9
Član 3.2. Obavještenje o promjenama .....	10
Odjeljak 4. Isključenje korisnika .....	10
Odjeljak 5. Alokaciona platforma.....	10
Član 5.1 Opći uslovi .....	10
Član 5.2 Pristup alokacionoj platformi .....	11
Odjeljak 6. Procedura za dodjelu unutarnevnog kapaciteta.....	12
Član 6.1. Utvrđivanje i objavljivanje Unutarnevnog ATC-a.....	12
Član 6.2. Dodjela Unutarnevnog ATC-a .....	12
Član 6.3. Obavještenje o rezultatima dodjele kapaciteta .....	12
Odjeljak 7. Korištenje dodijeljenog unutarnevnog kapaciteta.....	13
Član 7.1. Nominacija dodijeljenog unutarnevnog kapaciteta .....	13
Član 7.2. Pravila unutarnevnog usklađivanja .....	14
Odjeljak 8. Otkazivanje procedura unutarnevne dodjele kapaciteta.....	14
Odjeljak 9. Ograničavanje kapaciteta .....	15
Odjeljak 10. Razno.....	15
Član 10.1. Ograničenje odgovornosti .....	15
Član 10.2 Viša sila .....	15

Član 10.3. Očuvanje cjelovitosti.....	16
Član 10.4. Povjerljivost podataka .....	16
Član 10.5. Rok važenja i dopune i izmjene .....	16
Član 10.6. Zakoni koji se primjenjuju i rješavanje sporova .....	17
Član 10.7. Obavještenja .....	17
Član 10.8. Spisak aneksa .....	17
Aneks 1. Registracioni formular .....	18
Aneks 2. Spisak osoba za kontakt.....	20
Aneks 3. Rokovi za unutardnevne procedure .....	21
Aneks 4. Registracija na alokacionu platformu .....	22

## Pojmovi i definicije

U *Pravilima za unutarnevnu dodjelu kapaciteta* (uključujući anekse i formulare) pojmovi definisani u ovom odjeljku (što se odnosi i na množinu gdje je to neophodno) imaju značenja navedena u ovom odjeljku (osim ako kontekst ne zahtijeva drugačije).

<b>Alokaciona platforma</b>	elektronska web aplikacija sa ograničenim pristupom kojom upravlja <i>Dodjeljivač prijenosnog kapaciteta</i> dostupna na adresi <a href="https://scheduling.nosbih.ba/External-Scheduling-Client/">https://scheduling.nosbih.ba/External-Scheduling-Client/</a> . Unutardnevna alokacija koju provodi <i>Dodjeljivač prijenosnog kapaciteta</i> vrši se preko <i>alokacione platforme</i> .
<b>Vanredne situacije</b>	uslovi, događaji ili okolnosti koji na osnovu stručne ocjene <i>NOSBiH-a</i> ili <i>EMS-a</i> dovode u rizik sigurnost isporuke, snabdijevanja ili prijenosa električne energije, ili tehničku bezbjednost predmetnog nacionalnog prijenosnog sistema, ili njegovog značajnijeg dijela
<b>Viša sila</b>	uslovi, događaji, ili okolnosti koji su, kao i njihove posljedice, van realne kontrole <i>NOSBiH-a</i> ili <i>EMS-a</i> , a ne mogu se spriječiti ni prevazići na osnovu realnih predviđanja i djelovanja, kao što su (ne ograničavajući se na međunarodne nametnute slobodne tokove električne energije) atmosferske pojave koje nisu mogle biti izbjegnute zbog njihovog uzroka obima, ili trajanja, zatim, neočekivane ili neizbježne havarije, odnosno, ograničenja rada proizvodnih kapaciteta, ako <i>NOSBiH</i> ili <i>EMS</i> protiv njih mogu preduzeti jedino mjere kojima se ugrožava sigurnost isporuke i snabdijevanja, kao i sve ono što ne može biti riješeno mjerama kojima sa tehničke, finansijske ili ekonomske tačke gledišta realno raspoložu <i>NOSBiH</i> ili <i>EMS</i>
<b>Dnevna aukcija</b>	aukcija obavljena u skladu sa <i>Pravilima za dnevne aukcije</i> za raspodjelu prijenosnih kapaciteta na granici između zona trgovanja EMS-a AD Beograd ("EMS") i Nezavisnog operatora sistema u Bosni i Hercegovini ("NOSBiH")
<b>Dodijeljeni kapacitet</b>	<i>kapacitet</i> koji je dodijeljen u godišnjim, mjesečnim i dnevnim alokacionim procedurama
<b>Dodijeljeni unutarnevni kapacitet</b>	<i>kapacitet</i> dobijen kao rezultat alokacionog postupka koji provodi <i>Dodjeljivač prijenosnog kapaciteta</i> u unutardnevnoj alokacionoj proceduri na način definisan u odjeljku 6 <i>Procedura za raspodjelu unutar dnevnog kapaciteta</i>
<b>Dodjeljivač prijenosnog kapaciteta</b>	<i>NOSBiH</i> (u funkciji <i>Dodjeljivača prijenosnog kapaciteta</i> ) <i>NOSBiH</i> podliježe svim pravima i odgovornostima koje su dodijeljene <i>Dodjeljivaču prijenosnog kapaciteta</i>
<b>EIC kod</b>	identifikacioni kod koji služi za jasnu identifikaciju subjekata u

	<p>prekograničnoj razmjeni</p> <p><i>EIC kodove</i> izdaju lokalne kancelarije za izdavanje, a lista sa izdatim kodovima se objavljuju na internet stranici <i>ENTSO-E</i>:</p> <p><a href="https://www.entsoe.eu/fileadmin/korisnik_upload/edi/library/eic/cds/area.htm">https://www.entsoe.eu/fileadmin/korisnik_upload/edi/library/eic/cds/area.htm</a>.</p>
<b>EMS (EMS AD Beograd)</b>	preduzeće sa sjedištem u Beogradu, Kneza Miloša 11, Srbija koje je registrovano kod Agencije za privredni registar Republike Srbije pod matičnim brojem 20054182
<b>ENTSO-E</b>	udruženje evropskih operatora prijenosnih sistema za električnu energiju
<b>Zona trgovanja</b>	Najveće geografsko područje unutar kojeg sudionici na tržištu mogu razmjenjivati energiju bez raspodjele prijenosnog kapaciteta.
<b>Zahtjev</b>	zahtjev koji <i>korisnik</i> šalje da bi stekao pravo na <i>unutardnevni ATC</i>
<b>Identifikacija ugovora o kapacitetu /Capacity Agreement Identification/ (u daljem tekstu "CAI")</b>	oznaka koja na jedinstven način identifikuje <i>pravo na kapacitet</i> , odnosno pravo na unutardnevni kapacitet
<b>ITR (Interconnection Trade Responsible) / Strana odgovorna za interkonektivnu razmjenu /</b>	<p>učesnik na tržištu koga <i>operatori prijenosnih sistema</i> prepoznaju kao odgovornog za prijavu po <i>dodijeljenom kapacitetu</i></p> <p>On mora biti identifikovan <i>EIC kodom</i>. Sa strane <i>EMS-a</i>, to je učesnik na tržištu sa važećim ugovorom o balansnoj odgovornosti zaključenim sa <i>EMS-om</i>. Sa strane <i>NOSBiH-a</i>, to je pravno lice koje posjeduje Licencu za djelatnost međunarodne trgovine električnom energijom, koju je izdala Državna regulatorna komisija za električnu energiju u BiH.</p>
<b>Kapacitet</b>	prekogranični prijenosni kapacitet u MW
<b>Korisnik</b>	učesnik na tržištu koji ispunjava preduslove za učešće u proceduri dodjele unutardnevnog kapaciteta najmanje jedne od strana ( <i>NOSBiH</i> i <i>EMS</i> ) u skladu sa članom 3.1 ovih <i>pravila</i>
<b>Metod prve prijave /First come - First serve method/</b>	metod dodjele kod kojeg se <i>zahtjevi korisnika</i> do vrijednosti <i>unutardnevnog ATC-a</i> obrađuju isključivo na osnovu vremena njihovog prijema i bez primjene bilo kojih drugih kriterijuma
<b>Nominacija</b>	obaveza <i>korisnika</i> da <i>operatore prijenosnih sistema</i> obavijesti o svojim <i>planovima razmjena</i> izraženim kao snaga razmjene u MW koja se kreće do vrijednosti definisane <i>dodijeljenim pravom na kapacitet</i> , ili koja je jednaka

	vrijednosti dodijeljenog <i>prava na unutarnevni kapacitet</i>
<b>NOSBIH (Nezavisni operator sistema u Bosni i Hercegovini)</b>	pravno lice sa registrovanim sjedištem u Sarajevu, Ulica Hifzi Bjelavca 17, Bosna i Hercegovina, upisano u Registar pravnih lica BiH koji se vodi u Ministarstvu pravde BiH pod brojem: 08-50.3-7-3/05
<b>Nosilac prava na kapacitet</b>	pravno lice ( <i>korisnik</i> ) koji je dobio unutarnevni <i>kapacitet</i> u toku postupka unutarnevne dodjele kapaciteta
<b>Ograničavanje dodijeljenih kapaciteta</b>	smanjenje <i>kapaciteta</i> između zona trgovanja <i>EMS-a</i> i <i>NOSBiH-a</i> u slučaju <i>više sile</i> ili u <i>vanrednim situacijama</i> kada <i>EMS</i> i <i>NOSBiH</i> moraju hitno djelovati
<b>Operator prijenosnog sistema</b>	pravno lice odgovorno za rad, osiguranje održavanja i, ako je potrebno, razvoj prijenosnog sistema u datoj oblasti, a, gdje se to može primijeniti, i njegovih interkonekcija sa drugim sistemima, kao i za osiguranje dugoročne sposobnosti sistema za ispunjavanje realnih potreba za prijenosom električne energije
<b>Operatori prijenosnih sistema</b>	operatori prijenosnog sistema koji učestvuju u zajedničkoj alokacionoj proceduri, tj. <i>NOSBiH</i> i <i>EMS</i>
<b>Plan razmjene</b>	<i>Prekogranična transakcija</i> koju dostavlja <i>korisnik</i> , u kojoj navodi snagu u MW za svaki sat nekog dana
<b>Pravila za unutarnevnu dodjelu kapaciteta</b>	pravila za unutarnevnu raspodjelu prijenosnih kapaciteta na granici između zona trgovanja Nezavisnog operatora sistema u BiH (“ <i>NOSBiH</i> “) i <i>EMS-a</i> AD Beograd (“ <i>EMS</i> “)
<b>Pravo na kapacitet</b>	pravo ( <i>korisnika</i> ) da koristi <i>dodijeljeni kapacitet</i> za prijenos električne energije, izražen u MW
<b>Prekogranična transakcija</b>	fizička razmjena električne energije između zona trgovanja <i>EMS-a</i> i <i>NOSBiH-a</i>
<b>Radni dan</b>	kalendarski dani od ponedjeljka do petka, sa izuzetkom državnih praznika u BiH
<b>Raspoloživi unutarnevni prijenosni kapacitet (u daljem tekstu: “Unutarnevni ATC”)</b>	dio neto prijenosnog kapaciteta (NTC) koji ostaje raspoloživ nakon dnevne alokacione procedure (uzimajući u obzir efekte netovanja na osnovu prijave u suprotnom smjeru) i nakon svake faze unutarnevne alokacione procedure
<b>SEV</b>	srednjoevropsko vrijeme
<b>Uredba EU</b>	uredba br. 714/2009 Evropskog parlamenta i vijeća od 13. jula 2009. godine o uslovima za pristup mreži za prekogranične razmjene električne energije

## **Odjeljak 1. Uvod**

### **Član 1.1. Opće napomene**

*Pravila za unutarnevnu dodjelu kapaciteta* propisuju rokove i uslove koji su dogovoreni između NOSBiH-a i EMS-a u svojstvu operatora prijenosnog sistema u njihovim regulacionim oblastima, u svrhu dodjele i korištenja unutarnevnog ATC-a u oba smjera, na granici BiH - Srbija. Dodjela i korištenje unutarnevnog ATC-a nije komercijalno motivisana aktivnost, već je njen cilj da se obezbijedi transparentna metoda upravljanja zagušenjem.

*Pravila za unutarnevnu dodjelu kapaciteta* uređuju dodjelu i korištenje unutarnevnog ATC-a.

Unutarnevne procedure opisane u ovim *Pravilima za unutarnevnu dodjelu kapaciteta* su u skladu sa važećim pravilima koja se odnose na sigurnost prijenosnog sistema i ne utiču na obim i korištenje kapaciteta koji je već dodijeljen u godišnjim, mjesečnim i dnevnim aukcijama.

### **Član 1.2. Procedura dodjele prava na unutarnevni kapacitet**

*Unutarnevni ATC* se dodjeljuje u obliku prava na unutarnevni kapacitet koja su nosioci prava na kapacitet obavezni da koriste u punom iznosu. *Unutarnevni ATC* dodjeljuje dodjeljivač prijenosnog kapaciteta, po metodi prve prijave, saglasno Odjeljku 6.

U sklopu *Pravila za unutarnevnu dodjelu kapaciteta* NOSBiH postupa kao dodjeljivač prijenosnog kapaciteta u ime NOSBiH-a i EMS-a.

NOSBiH ili EMS mogu da bez prethodnog obavještenja, u bilo koje vrijeme obustave ili prekinu postupke raspodjele iz *Pravila za unutarnevnu dodjelu kapaciteta* u slučajevima kao što su npr. oni navedeni u članu 5.1 ili Odjeljku 8.

Sve relevantne informacije u skladu sa članom 2.2 su dostupne na internet stranicama NOSBiH-a ([www.nosbih.ba](http://www.nosbih.ba)).

### **Član 1.3. Opći aspekti Pravila za unutarnevnu dodjelu kapaciteta**

*Pravila za unutarnevnu dodjelu kapaciteta* opisuju, između ostalog, i uslove koje učesnici na tržištu moraju da ispune kako bi mogli da pristupe i koriste unutarnevni ATC. Ograničenje odgovornosti je definisano članom 10.1. *Operatori prijenosnih sistema* mogu zajednički da vrše izmjene i dopune *Pravila za unutarnevnu dodjelu kapaciteta* kako bi poboljšali ili razjasnili odredbe i procedure i popunili praznine u skladu sa članom 10.5.

*Pravila za unutarnevnu dodjelu kapaciteta* ne pokrivaju opće aspekte pristupa sistemu radi korištenja dodijeljenih kapaciteta, osim ukoliko to nije drugačije propisano u ostalim odredbama ovih pravila. NOSBiH i EMS izvršavaju usluge prijenosa saglasno zakonskim odredbama koje se odnose na pristup sistemu u svakoj regulacionoj oblasti i važećim pravilima o radu NOSBiH-a i EMS-a.

## **Odjeljak 2. Opće odredbe**

### **Član 2.1. Unutardnevni ATC**

Metodologija za izračunavanje *unutardnevnog ATC* za granicu Bosna i Hercegovina - Srbija se zasniva na *ENTSO-E* metodologiji uzimajući u obzir potvrđene planove razmjene po godišnjem, mjesečnom i dnevnom kapacitetu i efekat netovanja.

### **Član 2.2. Objavljivanje relevantnih informacija na internet stranicama NOSBiH-a**

Na internet stranicama *NOSBiH-a* posebno se objavljuju sljedeće informacije:

- a) *Pravila za unutardnevnu dodjelu kapaciteta* (važeća verzija);
- b) imena, brojevi faksa i telefona, adrese elektronske pošte kontakt osoba iz *NOSBiH-a*;
- v) korisničko upustvo za *alokacionu platformu*;
- g) ostale relevantne informacije.

### **Član 2.3. Specifikacija unutardnevnog ATC-a**

*Unutardnevni ATC* se nudi kao cjelobrojna vrijednost u MW, sa minimalnom vrijednošću od 1 MW. *Unutardnevni ATC* se nudi posebno za svaki sat.

### **Član 2.4. Garantovanje dodijeljenih unutardnevnih kapaciteta**

*Unutardnevni ATC* se nudi po čvrstim uslovima, osim u slučaju ograničavanja u *vanrednim situacijama* ili zbog *više sile* nakon preduzimanja svih drugih raspoloživih mjera u skladu sa odgovarajućim nacionalnim zakonodavstvom.

U slučaju *ograničavanja dodijeljenih kapaciteta*, *NOSBiH* i *EMS* će umanjiti *dodijeljeni unutardnevni kapacitet* u skladu sa Odjeljkom 9. *Korisnik* nema pravo na finansijsku nadoknadu koja se odnosi na *dodijeljeni unutardnevni kapacitet*.

### **Član 2.5. Sekundarno tržište**

Prijenos prava ili preprodaja *dodijeljenog unutardnevnog kapaciteta* nije moguća.

### **Član 2.6. Plaćanja**

*Nosilac prava na kapacitet* ne plaća naknadu za rezervaciju ili korištenje *dodijeljenog unutardnevnog kapaciteta*.



## Odjeljak 3. Uslovi za učešće

### Član 3.1. Uslovi za registraciju

Da bi učestvovao u postupku dodjele unutardnevnog kapaciteta i koristio *dodijeljeni unutardnevni kapacitet* koji je proistekao iz tog postupka, učesnik na tržištu mora da postupa u skladu sa svim zahtjevima navedenim u *pravilima za unutardnevnu dodjelu kapaciteta* i da ispuni sljedeće preduuslove:

- **na strani NOSBiH-a** – da je pravno lice koje poseduje Licencu za djelatnost međunarodne trgovine električnom energijom koju je izdala Državna regulatorna komisija za električnu energiju u BiH i koje se za učešće na dodjeli kapaciteta registrovala kod NOSBiH-a (bosanskohercegovački ITR)
- **na strani EMS-a** – da je pravno lice ili preduzetnik koji je zaključio ugovor o balansnoj odgovornosti sa EMS-om (srpski ITR).

Lista registrovanih bosanskohercegovačkih i srpskih ITR-a za mjesec M se objavljuje na internet stranicama NOSBiH-a ([www.nosbih.ba](http://www.nosbih.ba)) i EMS-a ([www.ems.rs](http://www.ems.rs)) najmanje tri (3) radna dana prije prvog dana mjeseca na koji se obavještenje odnosi.

Učesnik na tržištu je takođe dužan da pošalje NOSBiH-u, koji ima ulogu *dodijeljivača prijenosnog kapaciteta*, tri potpisana primjerka Registracionog formulara (videti Aneks 1 koji uključuje i izjavu o prihvatanju *Pravila za unutardnevnu dodjelu kapaciteta*). Učesnici su u obavezi da dostave izvod iz privrednog registra preduzeća, kao i potvrdu o registraciji poreskog obveznika, samo u slučaju ako te dokumente nisu dostavili prilikom procesa registracije za dnevne aukcije.

Tri potpisana primjerka Registracionog formulara moraju da se dostave *dodijeljivaču prijenosnog kapaciteta* u pismenoj formi, poštom, preko dostavljača/kurira ili lično (vidjeti Aneks 2). Smatraće se da Registracioni formular nije ni podniet ukoliko je dostavljen faksom ili elektronskom poštom ili ukoliko je nepotpun, o čemu će *dodijeljivač prijenosnog kapaciteta* obavijestiti podnosioca, uz navođenje razloga zbog kojih registracija nije izvršena.

*Dodijeljivač prijenosnog kapaciteta* može da traži dopunu informacija dostavljenih u Registracionim formularima i u njihovim priložima u primjerenom roku.

Obavještenje o potvrdi ili neprihvatanju registracije će biti poslato elektronskom poštom na adresu unijetu u Registracioni formular.

Učesnik na tržištu je dužan da dostavi sve zahtijevane dokumente najmanje pet (5) *radnih dana* prije planiranog početka učešća u procedurama za unutardnevnu dodjelu kapaciteta. Ako se ovaj krajnji rok propusti, *operatori prijenosnog sistema tom učesniku na tržištu* ne mogu da garantuju učešće u dodjeli kapaciteta.

Registrovan učesnik na tržištu koji ispuni sve uslove navedene u ovom članu se smatra *korisnikom*.

## Član 3.2. Obavještenje o promjenama

Uslovi za učešće navedeni u *Pravilima za unutarodnevnu dodjelu kapaciteta* moraju da se ispune u svakom trenutku prilikom učešća u postupcima za dodjelu unutarodnevni kapaciteta. *Korisnik* je dužan da oba *operatora prijenosnih sistema*, odmah, u pismenoj formi, obavijesti o bilo kakvim promjenama koje utiču na ispunjenje zadatih uslova.

Promjene podataka o kontakt osobama *korisnika* i izjave navedene u formularima koje je dostavio *korisnik* moraju da se saopće *operatorima prijenosnih sistema* u pismenoj formi, u roku od sedam (7) dana.

## Odjeljak 4. Isključenje korisnika

Ako bi *korisnik* na bilo koji način:

1. prekršio *Pravila za unutarodnevnu dodjelu kapaciteta* (posebno, bez ograničenja samo na njega, ako krši Odjeljak 6);
2. ponašao se tako da štetno utiče na, ili je prijetnja konkurentnosti u procedurama dodjele unutarodnevnog kapaciteta;
3. objavio bankrot, postao nesolventan, ili ako mu se obustavi plaćanje;
4. postane predmet zahtjeva za bankrot, nesolventnost ili obustavu plaćanja,

takvog *korisnika* će, *NOSBiH*, odnosno *EMS*, poslije potvrde drugog *operatora prijenosnog sistema*, bez odlaganja isključiti iz procedura za dodjelu unutarodnevni kapaciteta. *Korisnik* će odmah biti obaviješten o isključenju putem faksa i elektronske pošte.

## Odjeljak 5. Alokaciona platforma

### Član 5.1 Opći uslovi

*Dodjeljivač prijenosnog kapaciteta* će organizovati i provoditi zajedničke dodjele *unutarodnevnog ATC* elektronskim putem u korisničkom okruženju *alokacione platforme*.

*Dodjeljivač prijenosnog kapaciteta* će obezbijediti *korisnicima* dokumentaciju *alokacione platforme* (na web sajtu <http://www.nosbih.ba>) i operativna uputstva vezana za korištenje *alokacione platforme*, kao i *korisničku podršku*.

*Dodjeljivač prijenosnog kapaciteta* zadržava pravo da promijeni provođenje poslovnih aktivnosti ili da suspenduje proces u opravdanim slučajevima, naročito kada nastupe sljedeći tehnički problemi: opći kolaps interneta, kolaps svih internet veza *alokacione platforme*, kolaps

*alokacione platforme* (servera, baze podataka ili greške u aplikaciji *alokacione platforme*) ili kolaps sistema za prijavu planova rada.

Svi *korisnici alokacione platforme* će bez odlaganja biti obaviješteni o stvarnoj operativnoj situaciji.

Prijem podataka će biti važeći samo ako su podaci prihvaćeni u *alokacionoj platformi* prije definisanog krajnjeg roka.

Da bi se učestvovalo u alokacionoj proceduri, potrebno je podnijeti *zahtjev* preko *alokacione platforme*. *Zahtjev* koji ne ispunjava neki od uslova navedenih u *Pravilima za unutarodnevnu dodjelu kapaciteta* će biti odbijen. *Korisnik* će dobiti poruku sa statusom *zahtjeva* preko *alokacione platforme*. *Dodijeljeni unutarodnevni kapacitet* ne može biti izmijenjen niti poništen.

## **Član 5.2 Pristup alokacionoj platformi**

*Alokaciona platforma* je dostupna svim *korisnicima* koji imaju web pretraživač i korisnički nalog dobijen od *dodjeljivača prijenosnog kapaciteta*. Nije potrebna dodatna instalacija niti modifikacija softvera.

Za pristup *alokacionoj platformi* koristi se SSL/TLS (Secure Sockets Layer/Transport Layer Security) sertifikat.

Nakon što se *korisnik* registruje, na *alokacionoj platformi* se otvara njegov korisnički nalog. *Korisnik* je dužan da dostavi kompletno popunjen i potpisan *zahtjev* za registraciju na alokacionoj platformi (videti Aneks 5). Potpisivanjem ovog *zahtjeva* *korisnik* prihvata obaveze i pravila ponašanja utvrđena *Pravilima za unutarodnevnu dodjelu kapaciteta*. *Zahtjev* mora sadržavati potpune i tačne informacije. *Dodjeljivač prijenosnog kapaciteta* će formirati korisnički nalog i lozinku u roku od tri (3) radna dana nakon dobijanja *zahtjeva* za registraciju na alokacionoj platformi.

Svaki *korisnik* koji ima korisnički nalog biće obaviješten obavještava o uspostavljanju ili modifikaciji korisničkog naloga putem elektronske pošte na kontakt adresu koja je navedena u *zahtjevu*. Informacije koje *dodjeljivač prijenosnog kapaciteta* šalje putem elektronske pošte trebaju obuhvatiti ulazni ključ koji se sastoji od korisničkog imena (login) i lozinke, kad je reč o novom korisničkom nalogu. *Korisnik* je dužan da promijeni lozinku u toku prvog prijavljivanja.

*Dodjeljivač prijenosnog kapaciteta* ima pravo da provjeri informacije navedene u *Zahtjevu* za registraciju na alokacionoj platformi koji pošalju potencijalni *korisnici* i da ne otvori korisnički nalog u slučaju bilo kakvog neslaganja između datih podataka ili postojanja sumnje u njihovu tačnost. *Dodjeljivač prijenosnog kapaciteta* ima pravo da *korisniku* onemogući pristup *alokacionoj platformi* ukoliko pronade bilo kakva neslaganja.

*Korisnik* je dužan da sve informacije koje se odnose na pristup *alokacionoj platformi* čuva kao lične i povjerljive i biće odgovoran za bilo kakve direktne, ili indirektne štete koje su rezultat bilo kakvog neovlašćenog otkrivanja takvih informacija. *Dodjeljivač prijenosnog kapaciteta* nije odgovoran ni za kakvo neovlašćeno korištenje korisničkog imena i lozinke.

*Korisnik ima jedan, jedinstveni ulazni ključ za unutarnevne i dnevne dodjele kapaciteta.*

## **Odjeljak 6. Procedura za dodjelu unutarnevnoh kapaciteta**

### **Član 6.1. Utvrđivanje i objavljivanje Unutarnevnoh ATC-a**

*NOSBiH će odrediti unutarnevni ATC u svakom smjeru i za svaki sat, u skladu sa metodologijom opisanom u članu 2.1.*

*Vrijednosti unutarnevnoh ATC-a za dan D će biti dostupne na alokacionoj platformi najkasnije u 18:00h (SEV) u danu D-1.*

*U slučaju dodatnih ograničenja u prijenosnim sistemima (koja nisu mogla da se predvide kada se proračunavao mjesečni NTC), vrijednosti unutarnevnoh ATC-a se mogu korigovati. NOSBiH ima pravo da u toku dana izmijeni unutarnevni ATC na alokacionoj platformi.*

*Unutarnevni ATC za određeni sat se umanjuje za vrijednost već dodijeljenog unutarnevnoh kapaciteta za taj sat i objavljuje se na alokacionoj platformi.*

### **Član 6.2. Dodjela Unutarnevnoh ATC-a**

*Samo korisnici koji su se uspešno registrovali i koji su potpuno ispunili uslove definisane u Odjeljku 3 mogu da podnesu zahtjev za unutarnevni ATC. Podnošenje zahtjeva, kao i preuzimanje rezultata, se vrši isključivo preko alokacione platforme.*

*Zahtjev (za dan D) se dostavlja NOSBiH-u preko alokacione platforme počevši od 18:00h (SEV) u danu D-1, najkasnije 60 minuta prije početka prvog sata na koji se unutarnevna prekogranična transakcija odnosi. Minimalni zahtijevani kapacitet je 1 MW, a maksimalni je jednak vrijednosti unutarnevnoh ATC-a. U okviru jednog zahtjeva, samo jedna vrijednost kapaciteta može da se zahtijeva za jedan smjer i jedan ili više sati u danu D.*

### **Član 6.3. Obavještenje o rezultatima dodjele kapaciteta**

*Zahtjev svakog korisnika će se obraditi u alokacionoj platformi uz primjenu metode prve prijave i korisnik će preko alokacione platforme biti odmah obavješten o rezultatu. U slučaju da je zahtjev prihvaćen, korisnik će dobiti prava na kapacitet sa CAI. NOSBiH i EMS će odmah ovlastiti korisnika sa CAI da upotrijebi pravo na unutarnevni kapacitet (unošenjem prava na unutarnevni kapacitet u sisteme za prijavu planova rada) te omogućiti prijavu planova rada u skladu sa lokalnim pravilima.*

*Opće informacije i rezultati o dodijeljenom unutarnevnom kapacitetu za dan D će biti objavljeni na internet stranicama NOSBIH-a ([www.nosbih.ba](http://www.nosbih.ba)) najkasnije do 18:00h (SEV) u danu D+1.*

## Odjeljak 7. Korištenje dodijeljenog unutardnevnog kapaciteta

*Nosilac prava na kapacitet* i svaki njegov prekogranični partner (u daljem tekstu: partner) su obavezni da koriste cjelokupni iznos prava na unutardnevni kapacitet. *Dodijeljeni unutardnevni kapacitet* potrebno je iskoristiti najkasnije 60 minuta nakon dobijanja prava na korištenje, u protivnom *nosilac prava na kapacitet* gubi pravo na dodijeljeni unutardnevni kapacitet. *Nosilac prava na kapacitet* nominuje *dodijeljeni unutardnevni kapacitet* NOSBiH-u ili EMS-u koristeći "M:N" princip za prijavu *planova razmjene*. Ovaj princip znači da se prijava unutardnevnih *planova razmjene* po osnovu *dodijeljenog kapaciteta* ostvaruje kroz jednu ili više transakcija po smjeru, sa jednim ili više prekograničnih partnera, pri čemu je jedan od učesnika u transakciji uvek *nosilac prava na kapacitet*. U ovom slučaju, *nominovana* vrijednost kapaciteta je jednaka pravu na unutardnevni kapacitet dobijenom u toku unutardnevnog procesa za svaki sat i smjer, i ova vrijednost u potpunosti odgovara *nominaciji* partnera. Ovu obavezu prati i nadzire *dodjeljivač prijenosnog kapaciteta*.

*Nosilac prava na kapacitet* koji prekrši obavezu korištenja cjelokupnog dodijeljenog kapaciteta tri (3) puta u toku jedne (1) kalendarske godine gubi pravo da učestvuje u raspodjeli unutardnevnog kapaciteta u periodu od tri (3) mjeseca, o čemu ga obavještava *dodjeljivač prijenosnog kapaciteta*. Smatra se da je obaveza prekršena kada *nosilac prava na kapacitet* (ili njegov partner) ne koristi (ili koristi delimično) dodijeljen kapacitet najmanje jedan (1) sat u periodu za koji ga je dobio. Svaki sat u kojem se ne koristi pravo na unutardnevni kapacitet smatra se kršenjem obaveze. Gubitak prava nastupa datumom navedenim u obavještenju, koji može biti najranije dan nakon što *dodjeljivač prijenosnog kapaciteta* primi zahtjev od *operatora prijenosnog sistema*.

Korištenje rezervisanih prijenosnih *kapaciteta* se vrši dostavom *planova razmjene* NOSBiH-a i EMS-a, u skladu sa propisanim uslovima za pristup sistemu u svakoj regulacionoj oblasti i važećim tržišnim pravilima NOSBiH-a i EMS-a.

### Član 7.1. Nominacija dodijeljenog unutardnevnog kapaciteta

*Nominaciju* unutardnevnih *planova razmjena* vrše *nosilac prava na kapacitet* i jedan ili više njegovih partnera kroz postojeće sisteme za prijavu *planova razmjena* oba *operatora prijenosnih sistema*, u skladu sa lokalnim pravilima.

*Nominacija* mora biti obavljena najmanje 45 (četrdesetpet) minuta (H-0h45min) prije početka prvog sata (H) za koji je unutardnevni *plan razmjene* nominovan.

*Nominaciju* je potrebno izvršiti kod oba *operatora prijenosnih sistema* do istog korekcionog usaglašavanja.

Ista pravila i formati podataka se koriste za postupak prijavljivanja *planova razmjene* kao i kod prijave dnevnih *planova razmjene* te *planova* baziranih na mjesečnim i godišnjim *pravilima na kapacitet*.

Otkazivanje već nominovanih i potvrđenih programa mora biti obavljeno nominacijom u suprotnom smjeru za sate na koje se to otkazivanje odnosi. Ova nominacija treba biti urađena najkasnije 45 minuta prije početka otkazivanja.

## Član 7.2. Pravila unutar dnevnog usklađivanja

Unutar dnevno usklađivanje se provodi poslije svake dodjele unutar dnevnog kapaciteta i svake nove *nominacije*.

Usklađivanje između *operatora prijenosnih sistema* će se vršiti između H-0h45min i H-0h 30min prije početka prvog sata nominovanih unutar dnevnih *planova razmjena*, a potvrda *nominacije* će se izvršiti najkasnije u H-0h15min.

Usklađivanje se vrši za cio dan.

Prijavljeni unutar dnevni *plan razmjene* može biti potpuno prihvaćen ili odbijen u skladu sa rezultatima usklađivanja.

Ako nema potvrde o usklađenosti *nominacije* do H-0h30min, svi prijavljeni unutar dnevni *planovi razmjena* povezani sa tom *nominacijom* se svode na nižu vrijednost.

U slučaju neslaganja između unutar dnevnih *planova razmjena* prijavljenih s obje strane granice, *NOSBiH* i *EMS* imaju pravo da izmijene i postave niže vrijednosti na prijavljene unutar dnevne *planove razmjena*. *NOSBiH* i *EMS* ni u kom slučaju neće biti odgovorni za bilo kakav gubitak profita, poslovni gubitak, ni za bilo koje druge indirektno, sporedno, posebne ili posljedične štete.

## Odjeljak 8. Otkazivanje procedura unutar dnevne dodjele kapaciteta

U slučaju *vanredne situacije* ili *više sile*, nakon što *NOSBiH* i *EMS* preduzmu sve raspoložive mjere u skladu sa nacionalnim zakonodavstvom, *dodjeljivač prijenosnog kapaciteta* može da otkáže unutar dnevnu dodjelu kapaciteta ili da umanjí vrijednosti *unutar dnevnog ATC-a*. U tim slučajevima vrijednosti *unutar dnevnog ATC-a* za odgovarajuće sate se odmah postavljaju na 0 ili drugu dogovorenu vrijednost. *Unutar dnevni ATC* ostaje nepromijenjen dok se oba *operatora prijenosnih sistema* ne dogovore da povuku otkazivanje unutar dnevne procedure ili smanjenje *unutar dnevnog ATC-a*.

Procedura unutar dnevne dodjele kapaciteta može se otkazati ili prekinuti zbog ozbiljnih poremećaja u funkcionisanju interneta, *alokacione platforme* i ostalih informacionih sistema koje *NOSBiH* ili *EMS* koriste u unutar dnevnom procesu i u ovom slučaju neće biti finansijske kompenzacije prema *nosiocu prava na kapacitet* u slučaju nemogućnosti korištenja dodijeljenog kapaciteta.

U slučaju navedenih okolnosti, *NOSBiH* će o tome obavijestiti sve *korisnike* informacijom na svojim internet stranicama, ako je to moguće.

## Odjeljak 9. Ograničavanje kapaciteta

U slučajevima *ograničavanja dodijeljenih kapaciteta*, primijenit će se sljedeći redoslijed smanjenja kapaciteta:

1. *kapacitet* dodijeljen u unutardnevnoj dodjeli kapaciteta;
2. *kapacitet* dodijeljen u dnevnoj aukciji;
3. *kapacitet* obećan i dodijeljen u mjesečnoj aukciji;
4. *kapacitet* obećan i dodijeljen u godišnjoj aukciji.

U okviru svake od gore navedenih grupa *kapaciteta*, primijenit će se proporcionalno smanjenje, pri čemu će se smanjeni kapacitet zaokružiti na nižu cjelobrojnu vrijednost u MW.

*NOSBiH* i *EMS* su dužni da *nosioca prava na kapacitet* na koga ovo utiče i njegovog partnera odmah obavijeste o smanjenju.

*Nosilac prava na kapacitet* nema pravo na finansijsku nadoknadu za smanjenje kapaciteta koji mu je dodijeljen u postupku dodjele unutardnevnog kapaciteta.

## Odjeljak 10. Razno

### Član 10.1. Ograničenje odgovornosti

*Operatori prijenosnih sistema*, bilo zajedno ili odvojeno, neće biti odgovorni *nosiocu prava na kapacitet* ni za kakve štete nastale zbog njegovog učešća ili njegove nemogućnosti da učestvuje u postupku dodjele unutardnevnog *kapaciteta*. *Nosilac prava na kapacitet*, solidarno i pojedinačno, *operatore prijenosnih sistema* oslobađa odgovornosti u vezi sa potraživanjima trećih lica povezanim sa takvim štetama. Ni *NOSBiH* ni *EMS*, ni u kom slučaju, neće biti odgovorni za eventualni gubitak profita, poslovni gubitak, niti za bilo koje druge indirektno sporedne, posebne ili posljedične štete.

*NOSBiH* i *EMS* se obavezuju da izvršavaju odredbe *pravila za unutardnevnu dodjelu kapaciteta* profesionalno kao poslovni subjekti i operatori regulacionih oblasti, u skladu sa *Uredbom EU* te zakonima i propisima koje su donijeli nadležni organi BiH i Srbije.

### Član 10.2 Viša sila

*NOSBiH* ili *EMS* se neće smatrati odgovornim za neizvršenje, pogrešno izvršenje, ili kašnjenje izvršenja obaveza proisteklih iz *Pravila za unutardnevnu dodjelu kapaciteta*, u mjeri u kojoj su takvo neizvršenje, pogrešno izvršenje ili kašnjenje izvršenja obaveza nastalih zbog okolnosti na koje strana koja ima obaveze nije mogla da utiče (uključujući, ali ne ograničavajući se na, *višu silu*) i za koje relevantna strana nije odgovorna, odnosno, okolnosti koje ne mogu biti riješene

mjerama koje *NOSBiH* ili *EMS* sa tehničke, finansijske ili ekonomske tačke gledišta realno mogu da preduzmu.

### **Član 10.3. Očuvanje cjelovitosti**

Bez obzira na posebne odredbe koje se nalaze u *Pravilima za unutarodnevnu dodjelu kapaciteta*, nikakva izmjena ugovora između *NOSBiH-a* ili *EMS-a* s jedne strane i *korisnika* s druge strane, ne može biti izvršena ako je *NOSBiH* i *EMS* nisu potvrdili, izvršili i u pismenoj formi dostavili putem faksa ili elektronske pošte. Ako bilo koji dio *Pravila za unutarodnevnu dodjelu kapaciteta* ili njihovih aneksa postane nevažeći, nezakonit, ili neizvršiv, preostali dijelovi moraju i dalje ostati na snazi i primjenjivati se te na njih to ne bi trebalo da utiče. Bilo koji nevažeći, nezakoniti, ili neizvršivi dio, ili odredbe, moraju biti zamijenjene važećim, zakonitim i primjenljivim dijelovima ili odredbama, da bi što je moguće prije i bolje bio ostvaren namjeravani ekonomski i pravni efekat.

### **Član 10.4. Povjerljivost podataka**

Tokom rada prema *Pravilima za unutarodnevnu dodjelu kapaciteta*, *NOSBiH* ili *EMS* i s njima povezana lica mogu da imati pristup povjerljivim podacima *korisnika*. Povjerljivi podaci obuhvataju sve informacije dostavljene u pismenoj formi koje su označene kao "povjerljive", ali i informacije date u nekoj drugoj formi, ako je osobi kojoj su takve informacije date, prije ili prilikom otkrivanja tih informacija, bilo predočeno da je riječ o povjerljivim podacima. *NOSBiH* i *EMS* su saglasni da se povjerljivi podaci čuvaju i da ih ne otkrivaju bez prethodne saglasnosti *korisnika*, odnosno da povjerljive podatke, bilo u kojoj formi, ne stave na raspolaganje nekom trećem licu niti da povjerljive podatke ne upotrijebe bilo u kakve svrhe koje nisu u vezi sa odredbama *Pravila za unutarodnevnu dodjelu kapaciteta*, osim po nalogu državnih organa.

Odredbe ovog člana se neće primjenjivati na podatke otkrivene *NOSBiH-u* ili *EMS-u*, ako su:

- prije otkrivanja, ti podaci bili poznati u javnosti, ili ako poslije otkrivanja postanu poznati javnosti, ali ne greškom *NOSBiH-a* i *EMS-a*,
- prije otkrivanja već bili poznati *NOSBiH-u* i *EMS-u*,
- poslije otkrivanja, *NOSBiH* i *EMS* iste podatke primili od trećeg lica koje prema *korisniku* nema obavezu čuvanja tajnosti tih podataka.

### **Član 10.5. Rok važenja i dopune i izmjene**

Pravila za dodjelu kapaciteta unutar dana stupaju na snagu nakon odobrenja nadležnih regulatora i primjenjuju se za dodjelu kapaciteta za 2022. i dalje u oba smjera na granici Bosne i Hercegovine i Srbije.

O bilo kakvim dopunama i izmjenama *Pravila za unutarodnevnu dodjelu kapaciteta korisnici* moraju da budu obaviješteni tako što će na internet stranicama *NOSBiH-a* i *EMS-a* biti objavljena odgovarajuća nova verzija ovih pravila. Takvo obavještenje mora da sadrži



informaciju o članovima koji su dopunjeni ili izmijenjeni i datum kada nova verzija *Pravila za unutardnevnu dodjelu kapaciteta* stupa na snagu. Osim ukoliko se to ne navede u odgovarajućoj novoj verziji *Pravila za unutardnevnu dodjelu kapaciteta*, u pravilu, nije potrebna nikakva nova registracija i *korisnici* prihvataju nova *Pravila za unutardnevnu dodjelu kapaciteta* daljim učestvovanjem u postupku dodjele unutardnevnih *kapaciteta*.

#### **Član 10.6. Zakoni koji se primjenjuju i rješavanje sporova**

Svi sporovi između *NOSBiH-a* i *korisnika* koji proisteknu iz ovih *Pravila za unutardnevnu dodjelu kapaciteta* će se rješavati isključivo po zakonima BiH.

#### **Član 10.7. Obavještenja**

Osim gdje to nije drugačije predviđeno *Pravilima za unutardnevnu dodjelu kapaciteta*, bilo koje obavještenje dato na osnovu *Pravila za unutardnevnu dodjelu kapaciteta* mora da bude u pismenoj formi i upućeno na adrese navedene u Aneksu 2.

#### **Član 10.8. Spisak aneksa**

- Aneks 1        Registracioni formular
  - Aneks 2        Spisak osoba za kontakt
  - Aneks 3        Rokovi za unutardnevne procedure
  - Aneks 4        Registracija na alokacionu platformu
- Aneksi 1-4 čine sastavni dio ovih pravila.

## Aneks 1. Registracioni formular

Registracioni formular za učešće u postupku dodjele unutardnevnog kapaciteta na granici BiH - Srbija za period 01.01.20\_\_ . god. - 31.12.20\_\_ . god.

<b>Naziv preduzeća/preduzetnika</b>	
<i>EIC-kod</i>	
<b>Adresa, zemlja</b>	
<b>Broj iz privrednog registra</b>	
<b>Ime i prezime ovlašćenog predstavnika</b>	
<b>PDV broj</b>	
<b>ID broj / PIB</b>	
<b>Elektronska adresa</b>	
<b>Telefon br.</b>	
<b>Faks br.</b>	

Ovim izjavljujemo da namjeravamo učestvovati u postupku dodjele unutardnevnog kapaciteta na granici BiH-Srbija. Ispunjavamo sve uslove za učešće propisane *Pravilima za unutardnevnu dodjelu kapaciteta*. Pročitali smo i u potpunosti prihvatamo sve obaveze u skladu sa odredbama i informaciono-tehnološkim uslovima propisanim *Pravilima za unutardnevnu dodjelu kapaciteta* koja su objavljena na internet stranicama *operatora prijenosnih sistema* te se obavezujemo da ćemo postupati u skladu s njima.

Potvrđujemo da se prihvatanje našeg učešća u postupku unutardnevne raspodjele kapaciteta može povući ukoliko se prekrše odredbe iz *Pravila za unutardnevnu dodjelu kapaciteta*.

Za učesnika na tržištu

Datum: \_\_\_\_\_

\_\_\_\_\_  
Potpis

*Nezavisni operator sistema u BiH* daje saglasnost na Registracioni formular i zavodi ovaj formular pod registarskim brojem: \_\_\_\_\_

Za NOSBiH

Datum: \_\_\_\_\_

\_\_\_\_\_  
Potpis

## **Dodatak 1 Aneksa**

### **Spisak ovlaštenih predstavnika korisnika**

*Korisnik* imenuje sljedeće osobe kao ovlaštene da postupaju u ime *korisnika* :

- za potpisivanje Registracionog formulara

<b>Ime</b>	<b>Telefon br.</b>	<b>Mobilni telefon br.</b>	<b>Faks br.</b>	<b>Elektronska adresa</b>

- za dostavu *Zahtjeva za unutarodnevni ATC dodjeljivaču prijenosnog kapaciteta*

<b>Ime</b>	<b>Telefon br.</b>	<b>Mobilni telefon br.</b>	<b>Faks br.</b>	<b>Elektronska adresa</b>

## Aneks 2. Spisak osoba za kontakt

**Registracione formulare** (videti Aneks 1) *učesnici na tržištu* moraju dostaviti *dodjeljivaču prijenosnog kapaciteta* na sljedeću adresu:

### Nezavisni operator sistema u BiH

**Hifzi Bjelevca 17**  
**71000 Sarajevo**  
**Bosna i Hercegovina**

Lično dostavljanje se vrši *radnim danom* od 09:00 i 14:00h (SEV).

Bilo koja potvrda koju izda *dodjeljivač prijenosnog kapaciteta* potvrđuje samo datum i vrijeme prijema tog dokumenta, a ne i tačnost ili ispravnost dokumenta.

*Korisnici* se za ostala pitanja mogu da obrate *dodjeljivaču prijenosnog kapaciteta* preko sljedećih osoba za kontakt:

### Pravila za unutardnevnu dodjelu kapaciteta

Ime	Telefon br.	Elektronska adresa	Faks br.
Bojan Rebić	+387 33 720 458	<a href="mailto:b.rebic@nosbih.ba">b.rebic@nosbih.ba</a>	+387 33 720 495

### Registracija korisnika

Ime	Telefon br.	Elektronska adresa	Faks br.
Dženeta Erović	+387 33 720 434	<a href="mailto:dz.erovic@nosbih.ba">dz.erovic@nosbih.ba</a>	+387 33 720 405
Vera Kapetina	+387 33 720 445	<a href="mailto:v.kapetina@nosbih.ba">v.kapetina@nosbih.ba</a>	

### Pitanja u vezi sa postupkom unutardnevne raspodjele kapaciteta (00:00-24:00)

	Telefon br.	Elektronska adresa	Faks br.
Služba za operativno upravljanje	+387 33 720 497	<a href="mailto:dispecer@nosbih.ba">dispecer@nosbih.ba</a>	+387 33 720 495

### Aneks 3. Rokovi za unutardnevne procedure

Vremenski redoslijed za svaki sat unutardnevnog procesa je opisan u sljedećoj tabeli (H je unutardnevni sat dana D)

<b>Unutardnevni period</b>	<b>00:00-24:00</b>	<b>01:00-24:00</b>	<b>02:00-24:00</b>	<b>.....</b>	<b>23:00-24:00</b>
<i>Unutardnevni ATC je dostupan na alokacionoj platformi (Napomena: stalno se ažurira )</i>	18:00 (D-1)	18:00 (D-1)	18:00 (D-1)		18:00 (D-1)
Vrijeme za dostavljanje zahtjeva (T)	18:00 (D-1)- 23:00 (D-1)	18:00 (D-1)- 24:00 (D-1)	18:00 (D-1)- 01:00	.....	18:00 (D-1)- 22:00
Vrijeme za <i>nominaciju</i>	T+60min	T+60min	T+60min	.....	T+60min
Potvrda konačnih <i>nominacija</i> srpskog i bh. <i>ITR-a</i>	23:45 (D-1)	00:45	01:45	.....	22:45
Objava rezultata dodjele unutardnevnih kapaciteta	18:00 (D+1)	18:00 (D+1)	18:00 (D+1)		18:00 (D+1)

Informacioni sistem koji EMS koristi u unutardnevnom procesu nije raspoloživ od 23:50 do 00:10.

## Aneks 4. Registracija na alokacionu platformu

### Učesnik na tržištu

<b>Puni naziv:</b>	
<b>EIC kod:</b>	
<b>Ovlašćeno lice:</b>	

Učesnik na tržištu zahtijeva:

- postavku (*setup*)
- modifikaciju
- brisanje

korisničkog naloga na alokacionoj platformi za sljedećeg korisnika:

### Korisnik

<b>Ime i prezime:</b>		
<b>Elektronska adresa:</b>		
<b>Telefon:</b>		
<b>Elektronska adresa</b>	<b>Šalje</b>	<b>Prima</b>
za <i>ECAN</i> razmjenu fajlova sa alokacionom platformom:		

Na osnovu pravila za dodjelu kapaciteta, čiji je sadržaj poznat gore navedenom korisniku, korisnik je ovlašćen da vrši operacije na alokacionoj platformi u skladu sa pravima korisnika i u tom slučaju zastupa gore navedenog učesnika na tržištu.

Informacije za prijavljivanje (korisničko ime i lozinka) biće poslati korisniku na gore navedenu elektronsku adresu (e-mail), a on je obavezan da prilikom prvog prijavljivanja promijeni lozinku.

Datum \_\_\_\_\_

\_\_\_\_\_  
Ovlašćeno lice učesnika na tržištu

\_\_\_\_\_  
Korisnik